

籌瞻奏稿

(清)

鹿傳霖撰

重印《籌贍奏稿》序

《籌贍奏稿》，清鹿傳霖撰，上中下三卷，成書於清光緒二十六年（一九〇〇年）。傳霖字滋軒，今北京大興人，光緒朝，屢任翰林和大學士等要職，事詳《清史稿》本傳。光緒二十一年（一八九五年）任四川總督，《奏稿》即此任內之作。所錄各件多是陳述用兵贍對、

經辦德格土司案件和奏請改土歸流的疏稿，是一部詳記贍對事件始末，倡議在川邊藏區實行改土歸流的專著，對於研究清代的民族政策和川邊藏區政治體制的演變等，都具有重要的史料價值。

贍對，藏語名雅龍，又俗稱三贍，在今四川新龍縣境，跨雅龍江兩岸，當川藏南北兩路

之間。清時為贍對諸土司封地，民強地險，紛爭不斷，向以「多事之地」著稱。自雍正至宣統的一百多年間，清朝多次用兵贍對，兵力多至數萬，費餉銀達百萬兩以上。同治四年（一八六五年）西藏地方軍隊協同清朝鎮壓贍對工布朗結起義後，恃功索兵餉三十萬兩，前川督無力支付，奏請將贍對暫賞達賴派藏官經理，自此邊境遂無寧歲。

「藏俗馭民最苛，藏官治贍尤虐，即四鄰土司，無不受其侵害者」。恃強執法，橫征暴斂，強派人畜烏拉，勒索巨額兵費，僅道孚和甘孜的孔撒、麻書兩土司治下百姓，每年支應人畜烏拉差役即達數千之多，狀運稍有違誤，即行訛詐，勒索賠金。各土司又要交納藏兵

守洞費，少者千餘圓，多者數千圓，種種沉重負擔，最終都加在百姓身上。瞻對百姓不堪其苦，奮起反抗，在光緒十五年（一八八九年）驅逐駐瞻藏官，懇請內屬，而川督丁寶楨不為主持，以至藏軍捲土重來，殺戮起事首要數人，仍由西藏地方派藏官駐瞻，且增派藏兵八百和堪布一人助守，其虐尤甚於前。鹿傳霖督蜀後，一訪悉情形，知瞻對為全蜀門戶，瞻民既苦番官之虐，久思內附，正宜設法收回其地，以固吾圉。一適逢駐瞻藏官率兵越境，干預朱窩和章谷土司爭龔事，不聽開導，槍傷官兵。鹿傳霖即乘機聲罪致討，派兵攻取瞻對，將駐瞻藏官遣回拉薩，多年來，瞻對的混亂局面，暫趨平息。又乘勢進規德格土司，擬在關外

三

形成重鎮，以應援西藏。嗣因如何處理善後事項，鹿傳霖和清廷發生分歧。當時，英俄交窺藏地，各懷鬼胎。英帝早存吞併龔食之心，在光緒十四年（一八八八年）第一次入侵西藏之後，脅迫藏人立約劃界，圖謀擴張，其勢咄咄逼人；沙皇乘機誘惑龍絡達賴，急欲染指西藏。鹿傳霖為「保川固藏」計，力主收回瞻對，改土歸流，進而規劃川邊其他土部，近固川疆，遠懾藏衛，並擬由成都向拉薩架設電話綫，靈通邊報。面臨強敵壓境，川邊藏臣迫切需形成統一的力量，西援西藏，以抗英俄；東固藩籬，以保川蜀。

川邊藏臣縱橫數千里，有元明清歷代冊封的大小土司二百餘家，他們大都互不相屬，各

四

自為政，彼此傾軋，屢有戰亂，禍害百姓，梗阻交通，已成為鞏固邊陲的一大障礙。鹿傳霖力倡改土歸流，足見其深謀遠慮。起初，清朝飭令鹿收回瞻對，設官治理；繼則顧憲達賴外向，為一隅而動全局。鹿剴切疏陳利害，書數十上。無如朝廷意見不一，案懸難決。成都將軍恭壽和駐藏大臣文海，素與鹿有隙，懷妒其

五

功，交章密奏，極盡詆毀；又有達賴疏訴於朝，懇請賞還瞻對。於是，廷議中變，詔令鹿傳霖解職回京，致使前案全翻，功敗垂成，瞻對仍交西藏管理，德格改土歸流事，亦同時付諸東流矣！而鹿直到去職，仍堅執己見，奏入朝廷，據理力辯，終不為用。鹿心懷耿耿，乃將籌辦瞻事疏稿和諭旨等，編纂成冊，刊行於世。

其自序說：「竊憲此後滅不易保，蜀亦必危，屏藩盡失，大局何堪設想！爰以前後疏稿付梓，略述事之顛末，敢以質諸識微見遠之君子。」一腔忠忱憤懣之情，躍然紙上。當年寫作這樣的文字，是要冒風險的。

鹿傳霖的一生，做過一些有益於國家民族的事，但由於歷史的局限，也多次參加或主持

六

過鎮壓農民起義的征討；即其改土歸流辦法，亦有可議之處。《清史稿》說：「傳霖起於外吏，知民疾苦，所至廉約率下，尤忌貪吏，雖貴勢不稍賁。其在軍機，凡事不苟同，喜扶善類。」其中雖有溢美之詞，但大體副合其人。他的《奏稿》中，就有一股剛直不阿的凜然正氣。

後人論及鹿傳霖改土歸流事，感慨不已：

「設當時能觀厥成，則川康改行省，早實行於三十年前，而印藏條約不致如後來之喪失權利。」<sup>(三)</sup>其實，川邊藏區的改土歸流，並非鹿傳霖的創造，而是始於明朝，延續及清，時斷時續。至於通觀全局，為抗英俄，弭後患的大規模改土歸流，鹿傳霖實為首創人。他的主張和嘗試，對於後來趙尔豐和傅嵩林在川邊藏區的改土歸流，以及西康建省等交革，都是有益的借鑑。

七

牛力耕寫於北京

一九八七年  
十二月二日

(一) 見《籌瞻奏稿》序

(二) 見前文

(三) 見《四庫全書續編書目提要》

環蜀邊外皆土司也最近而爲領袖者曰明正最遠而轄地廣大者曰疊蓋亦稱德爾格忒地最險人最强者曰瞻對本爲上中下三土司道光間中瞻最强土酋工布朗結性悍鷙漸吞併上下兩瞻合而爲一恃其地險人強復擾附近各土司時琦侯善督蜀檄兵往勦瞻酋扼險拒守征討經年喪師糜餉迄無成功而土酋益驕橫迨咸同以來髮捻雲擾中原用兵無暇籌邊瞻酋益四出侵犯致梗蜀藏茶商運道藏番恃蜀茶爲命用是駭憤司藏事者名商上以呼圖

奏稿

序

一

克圖爲之凡事稟商駐藏欽使所謂達賴喇嘛者尊而無權誦經而已商上屢乞藏使奏請發兵征瞻以通茶路 朝廷持重慮開邊衅遲久始奉川藏會剿之命適川匪藍大順正猖獗征剿吃緊之時勉分兵檄道員史某率以出關逡巡不進藏兵因需茶孔急人皆奮迅且由藏入瞻爲建瓴勢遂馳兵先至攻克瞻巢遂走瞻酋據有其地我兵聞捷始會藏番因藉詞乞賞十六萬金始允歸地內屬維時蜀正匪擾餉匱遂倉卒徇史某請奏以瞻地賞藏由彼設官經

理自此邊境遂無甯歲蓋瞻對居眾土司之中由藏入瞻必越疊蓋之境距打箭爐廳僅三百餘里藏俗馭民最苛藏官治瞻尤虐卽四鄰土司無不受其侵擾者丁文誠督蜀時無歲不委員派兵彈壓諭禁自某督蜀不以邊務爲事各土司皆爲其威脅暗相依附惟明正近在內地亦漸侵越遂致連年爭地構兵互鬪案懸莫結瞻民不堪其苛虐會于光緒十五年內鬪逐其藏官乞歸內屬乃蜀督不爲主持致誅瞻民之首禍者數人藏官雖亦伏罪仍由藏別遣番官

奏稿

序

二

來且添派藏兵八百堪布一人助守其虐更甚於前余蒞蜀後訪悉情形知瞻地爲全蜀門戶瞻民既苦番官之虐久思內附正宜設法收回其地以固吾圉適瞻官又越境率兵干預朱窩章谷土司爭襲之案不遵開導槍傷我兵乘此聲罪致討理直氣壯機不可失於是檄兵深入險阻不及三月克定全瞻進規疊蓋該土司久爲瞻官所貶潛通其婦政由瞻官若收撫其地添設漢官以鎮之則威令行於藏中且疊蓋北路遠界藏之卅九族爲駐藏章京所轄其地荒

涼平坦若由此勘修電線以達於藏則聲息靈通方可控御藏番蓋自英藏構兵和解以後立約畫界藏番屢經梗議遷延五年英人屢有責言勢將開衅達賴復妄自尊大一切專政時與駐藏欽使牴牾遂致威令不行受其挾制若收回瞻地則藏番有所震懾電線再通聲援自壯欽使不受制於達賴乃能令出維行且英俄交窺藏地隱而未發我若力足制藏英甚願藉藏爲我屬公法兩不相侵爲辭因以拒俄則蜀尙有藩籬可恃藏或可保暫安凡此緊要情形迭

奏稿

序

三

次經營籌畫先後剴切疏陳書數十上無如政府意見不一主持大局者僅李文正相國乃大星遽隕內外交譖余奉詔解任前案全翻成功盡棄竊慮此後藏不可保蜀亦必危屏藩盡失大局何堪設想爰以前後疏稿付梓畧述事之顛末敢以質諸識微見遠之君子

光緒庚子仲夏定興鹿傳霖

籌藏收贍電 旨電奏彙存

光緒二十二年二月初八日准

軍機大臣電寄欽奉

諭旨奎煥著即開缺來京所有西藏一切事宜著訥欽妥慎辦理此旨著鹿傳霖傳諭奎煥訥欽知之欽此

二月初九日准

軍機大臣電寄欽奉

諭旨覽鹿傳霖所奏西藏情形殊深厯系奎煥已令來京訥欽到任未久一切操縱機宜著鹿傳霖馳函商酌或揀派熟悉藏務公正明幹之員隨同訥欽辦理俾資臂助至瞻

奏稿

對桀驁不馴尤須妥爲開導毋激事端欽此陽

三月初三日京署來電奉

旨近聞廓爾喀與西藏失和意欲決戰廓悍而附英藏愚而本佛勢必不敵廓若得志全藏將不可問著鹿傳霖速即揀派熟悉藏務之員馳往設法解散勿令起事藏旣恃俄爲援則廓之動兵必係英所主使該督留心邊事應如何措置之處著籌議具奏欽此江

初九日京署來電

成都制台支電悉廓藏構釁已下決戰書冀使閱英報而得英亦願勸解云云並未言及起衅根由廓之附英

非自今始廓藏近事難保非英所嗾藏番恐閭相持愈

久藏事愈危總以速解爲要印藏勘界前因更換藏帥

曾照會英使轉商印督緩勘英使昨言印督出巡前文

未復此文未發以前曾接其來文擬四月中勘界云云

頃藏奏以藏番梗議因界約地址與升大臣奏案不符

咨署照會英使由藏印委員會勘不符之處云云界約

與升奏不符係中國自理之事印員豈肯會勘彼係據

約辦理殊難轉圜未便照會英使徒滋口舌齊

十三日寄京署電

總署鈞鑒前奉江電奉

奏稿

旨近聞廓爾喀與西藏失和意欲決戰著鹿傳霖揀派熟悉

藏務之員馳往設法解散勿令起事應如何措置著籌議

具奏欽此遵即飛咨確探連日妥籌揀派分省知府李毓

森隨帶熟悉員弁由海道駛往查探確情設法解散惟

川藏文報遲緩擬請修電綫先由成都至打箭爐再擬

接展入藏以速邊報川本有款十萬存盛宣懷處可撥

用謹求代奏請

旨餘容詳細另奏傳霖叩元

十七日寄京署電

總署鈞鑒奉



旨飭查委員李毓森由海道駛往究竟取道何處著詳復藏地情形仍著確探欽此伏查海道係由上海香港經新加坡至印度孟加納再乘輪車一晝夜達印藏交界之獨脊嶺至藏自成都行兩月餘可到廓藏失和事甚緊迫航海較速並可在印暗探英人情形先繞至廓爾喀相機解說為釜底抽薪之計前襄辦藏務已革知府稽志文曾航海由此道進藏若走陸路甚遲緩不濟急謹代奏霖叩篠

四月初八日京署來電

樞中鈔交尊處奏派李毓森赴藏一疏內錄三月初三

奏稿

三

電

旨此係密件各省類皆節錄此疏若分行恐致傳播尙祈察照至李毓森薪水既經奏准便可開銷毋須援照出使章程因使章與此迥異雖繞海道究係華境並非奉使他國片函達魚

五月初二日寄京署電

總署鈞鑒頃准駐藏幫辦大臣訥欽咨覆查無廓藏失和決戰之事僅有界務兩案已結一案刻正查斷或別有秘謀則不可知惟畫界行茶等事藏番違抗噴瀆達賴管事攬權惑於羣小更不聽開導瞻對番官仍抗不

遵撤等語伏思廓藏決戰之言英人故爲此說必有狡謀李毓森由印赴藏或可密探消息新藏使文海旬日可到當與熟籌酌辦惟據報瞻番糾眾出巢盤踞章谷土司官寨勒令投贍委員業已馳往仍飭婉爲開導一面勒兵以待恐難善了除詳細陳奏外請先代奏霖叩冬

十五日寄京署電

總署鈞鑒昨准藏咨廓無決戰事當卽電請代奏在案新藏使文海現已抵川今據委員李毓森行抵上海雷稟以廓藏既無決戰事自可無庸解釋印藏界務大臣

奏稿

四

訥已咨印督緩待文大臣到任再爲勘辦是毓森奉委兩事均無可辦惟業已奏咨應否仍出洋赴藏抑可毋庸前往以免耗費請示前來伏思解釋廓藏及隨勘界務兩事現准藏咨一則並無失和一則緩待新任誠如李毓森所稟赴藏無可籌辦惟既經奏咨如總署已照會駐京英使知照印督則應仍飭李毓森航海由印度入藏藉可密探消息如尙未照會英使則似可中止敬祈查明代奏請

旨示遵

十八日京署電奉

旨鹿傳霖電悉李毓森著仍赴藏隨勘界務欽此

七月二十八日京署來電奉

旨瞻對之事干涉達賴恐掣動藏中大局現已添營進剿能否得手著鹿傳霖隨時電聞欽此

同日寄京署電

總署鈞鑒電綫斷阻二十八日恭奉號電

諭旨欽遵進剿瞻對克其險隘昨已馳奏今正攻其巢不日當可得手達賴不遵

旨撤換番官縱其滋事訥欽若能嚴折以理彼當無可狡賴藏中尙無消息得信謹速電陳祈代奏

奏稿

五

八月十五日寄京署電

總署鈞鑒頃接駐藏幫辦大臣訥欽咨稱瞻對番官現經撤換照例擬送正陪兩員奏請

簡放等語查瞻對已革番官稱兵犯順業經奏明進剿刻正圍攻其巢可望得手自不宜再派番官訥欽奏時計川

中咨文尙未到前屢催更換達賴抗玩不遵今既申天討該達賴始請更換似未便准行仍貽後患相應請

旨於訥欽奏到時嚴責達賴庇縱抗延之罪應即收回贍地諭以前有功則賞之今有罪則奪之以示

朝廷賞罰大公之至意謹請代奏候

旨遵行

八月二十二日接京署電奉

旨鹿傳霖電悉瞻對用兵係暫時辦法事定之後應否仍設番官當再斟酌妥辦訥欽尙未奏到俟奏到當諭以從緩再辦不能因此嚴責喇嘛轉生他衅也藏事棘手該督等當通盤籌計切勿函莽並論文海知之欽此

九月初一日接京署來電奉

旨前據鹿傳霖電奏進攻瞻對即可得手何以連旬未據續報至瞻對番官本日訥欽奏到業已照准此與軍務兩不相妨即瞻境邊平亦當有番官撫輯也欽此有

奏稿

六

同日寄京署電

總署鈞鑒電線不通旬日九月朔始奉有電

諭旨瞻對番官訥欽奏到業已照准等語欽奉之下惶悚莫名查瞻對本係川屬從前賞給達賴原一時權宜之計況瞻對今日之得失實關川省之安危前經迭次奏明擬請收回贍地改設流官昨復電奏奉

旨俟訥欽奏到當諭以從緩欽此謹將瞻對在所必爭且可懾服達賴界務或易辦理情形由驛馳奏計尙未到且瞻民惴然歸順不啻出水火而登衽席今若再派番官管理不惟瞻民仍受其害土司悉爲所脅將來川省有

無門戶可守所關甚重至攻剽贖巢地遠礮堅又因擊退賊援以致月餘尙未得手迭次軍報動逾旬日昨亦詳細奏陳一面嚴飭周萬順刻日攻下並添派四營前前往以期必克今欽奉

諭旨准派番官若新番官一到卽不復用兵是使贖民失望土司離心此時之損威猶淺日後之貽患實深臣具有天良不敢畏難苟安力圖保川之計是以迭次奏請收回贖地改設流官合再披瀝血忱不避斧鉞仰懇

聖明鑒察仍照前

旨緩派番官俟贖對攻克改設漢官撫輯如蒙

奏稿

七

俞允侯訥欽批摺驛遞過川時准由臣折收恭繳得以保川

圖藏大局幸甚敬祈代奏請

旨

初五日接京署來電奉

旨鹿傳霖電悉贖對事該督之意爲籍此收回使達賴懾伏朝廷之意正恐達賴不能懾伏轉致激動藏番驅以外向此事消息毫釐千里該督亦當深思此時軍務總以能否得手爲斷果能得手則雖有新設番官何難從長佈置若不得手刻雖不設番官於事奚補該督惟當督飭將士迅拔番巢以安邊圉至准放番官已有明降諭旨所請繳回批

招之處著勿庸議欽此支

十月初十日寄京署電

總署鈞鑒贖對礮寨全克逆番對堆奪吉先遁番僧夷喜出降善造回藏現籌善後酌設流官惟訥欽咨新番官已起程應請電傳

諭旨由臣咨行訥欽飭令新番官無論行抵何處卽行回藏以免到來牽掣再昨有藏兵接贖之謠查係仔仲詐詞至前奉電

旨恐達賴驅以外向似可無慮除詳細分別具奏外敬祈先行代奏

奏稿

八

十三日接京署電奉

旨鹿傳霖電奏贖地礮寨全克逆目遁逃甚慰屢系惟上中下三贖是否全克又未詳敘月日向應查奏該督於易換番官一事堅持前議不知三贖亂在襄塘中間爲入藏要路此等辦法達賴豈肯甘心卽無藏兵接贖之謠亦當慮及總之保川固要保藏尤要籌善後設流官此保川之計非保藏之計也叛則誅之服則撫之已給之地不索還已授之官不更易隱示達賴以兵威而不使藉口生釁此保藏而並保川之計也該督身膺邊寄務當詳思善策速卽電復欽此文

十三日寄京署電

總署鈞鑒奉到文電

諭旨跪誦之下惶悚莫名查贍巢係於九月二十六日收復上中下三贍全境早經一律歸順贍對在裏塘巴塘之旁並非入藏要路藏圖可查通藏大路文報茶商均往來無阻歷年贍番肆虐滋事贍民受害甚深土司被脅附從此次大兵出關羣馬歸化不願再隸藏番仍受荼毒土司亦各訴其被脅受制情詞迫切自應許其收歸內屬故相率用命助剿今若仍歸藏轄使土司贍民仍受藏番苛虐不惟大失民心亦無以昭大信而廣

奏稿

九

皇仁從來招民使內附未聞驅民使外屬贍民不甘仍受藏番之暴虐勢必紛紛籲請其將何以應之況贍地實爲川省門戶哉臣仰沐

聖恩畀以川疆重任何敢不通籌熟計此事達賴雖不免饒舌而決不敢別生弊端藏番亦知順逆况英乘其後廓伺其旁彼再叛

天朝何以自存俄亦不能遽通臣接藏員探稟所言相同如其藉口生衅臣願身任其事必得一當以報

朝廷伏乞

聖恩憫贍民之苦念置土之重俯准仍如臣請撤回番官以

便妥籌善後不惟保川卽以保藏不勝迫切待

命之至敬祈代奏

十月十七日接京署電奉

旨鹿傳霖電悉著酌留數營駐紮贍對鎮靜彈壓此事關繫川藏全局現在大路並無阻礙著文海速馳赴前藏會同訥欽察看情形如贍對收回是否輸服有無後患詳細馳奏以憑辦理并著鹿傳霖將前後電報奏摺一併抄寄文海等閱看至番官業經簡放此時毋庸遽撤欽此鈞

十二月二十日京署來電奉

奏稿

十

局是以疊諭該督妥慎辦理今據所奏於川省藩籬綢繆甚固而於藏衛情形仍無把握達賴尙無回信又未撤兵其包藏貳心已可概見設因一隅內屬而全藏動搖得不償失該督豈未深思耶著該督將贍民願仍歸川並朝廷垂念藏番可以酌賞銀兩之意明白宣示派委幹員乘傳入藏必得達賴的實聲覆且以規其向背之幾俟有確情再行定議切勿孟浪從事致誤大局欽此鈞

二十二日寄京署電

總署鈞鑒恭奉號電

諭旨跪誦悚惶查新番官暫駐察木多只隨帶兵二百名此

外並無藏兵達賴狡詞藉口漢官偏袒明正土司請訥  
欽代爲奏辯且有專人進京申訴之言並未敢公然生  
衅前會商文海迭咨訥欽已將此次

諭旨內瞻民仍願歸川朝廷垂念達賴可以酌賞銀兩之語  
派委赴藏委員李毓森就近宣示開導訥欽當能妥辦  
川藏遠番性遲疑回信勢難迅速請免再行派員至  
籌辦川邊設官各事如章谷朱窩巴裏兩塘皆川省自  
辦之事與達賴無涉自可先行籌辦以免貽誤事機謹  
請代奏

二十六日京署來電奉

奏稿

土

旨鹿傳霖電悉朝廷慎重者瞻對設官一節至朱窩章谷及  
巴裏塘布置原與藏中無涉然若因朱窩等先設流官遽  
將瞻對一體改設則前此簡放番官之旨必須撤回難保  
藏番不從此生衅著遵前旨迅派幹員馳往宣示後取有  
的實回信再行電聞此時有四營在瞻必無他慮欽此有

會奏請調棍噶札拉參呼圖克圖赴藏開諭番眾疏

奏為會商請調棍噶札拉參呼圖克圖赴藏開諭番眾以

化頑梗而裨通商大局恭摺仰祈

聖鑒事竊維西藏番性頑梗見小利而昧遠圖自印藏通商

靖西雖已開關而番眾懷疑莫釋動輒桀驁不遵臣等

先後抵川接晤籌商以冀保全和局因思頑愚異俗之

倫必其氣類相同及素所信服者則其言易入庶可感

化其心查有棍噶札拉參呼圖克圖嘉穆巴圖多普前

於光緒九年奉

旨入藏熬茶在彼二年番眾極為悅服嗣經前任四川督臣

奏稿

卷上

一

丁寶禎專疏薦舉蒙

恩准令人

覲後飭回甘肅擇地建立寺院俾經恭祝

皇太后六旬萬壽現在洮州臣昔任川藩時正值該呼圖克圖

入藏之際常與往還為日甚久深悉其賦性忠誠才識

闊遠洞曉西北形勢而且感戴

聖恩每思報効今臣訥欽履藏之初亟當宣播

朝廷威德曉諭番眾化其頑梗之積習以期無礙於通商然

野性難馴恐非正論婉言所能感喻誠能得其夙所心

服如棍噶札拉參呼圖克圖者助臣訥欽竭誠開諭不

惟語言相通抑且聲氣相感其商上及番眾人等必能

聽從該呼圖克圖之化導盡泯猜嫌不致再與英人抵

牾則通商和局庶可長久相安至該呼圖克圖閱歷已

深頗知權變必能和衷商辦輕重適宜臣傳霖知之最

稔實可保其無他方今邊患日棘得此幹濟之才用之

輕熟之地必有成效可觀臣等籌維至再意見相同合

無仰懇

天恩飭下陝甘總督臣傳諭棍噶札拉參呼圖克圖迅速來

川與臣傳霖會商後即行赴藏俾臣訥欽得與隨事商

辦以通番情而裨和局是否有當謹合詞恭摺具陳伏

奏稿

卷上

二

乞

皇上聖鑒訓示再此摺係臣傳霖主稿臣訥欽拜摺後於六

月初十日由成都省城起程入藏合併陳明謹

奏

會奏查辦瞻對情形疏

奏爲瞻對番官屢次領兵越界滋擾明正土司地方現擬查辦情形恭摺具陳仰祈

聖鑒事竊查瞻對番部自改隸西藏以來恃其地險人強往往侵擾附近土司越界滋事上年五月前督臣劉秉璋任內接據阜和協副將徐聯魁打箭鑪同知趙墳轉據明正土司稟報瞻對番官藉清查明正所屬瓦述三村爲名派令頭目統率番土各官屢次越境滋事擾及明正部落焚殺搶擄以致瓦述夷民逃竄無踪等情當經咨明駐藏大臣嚴飭該番官迅速撤兵回藏不得尋衅

奏稿

卷上

三

滋事在案迭准駐藏大臣咨復該商上皆聽番官一面之詞曉諭不休本年閏五月<sub>臣</sub>到任之後復據打箭鑪文武稟報瞻對番頭目現又領兵在明正所屬道塢等處地方盤踞維時正值駐藏幫辦大臣訥欽料理起程<sub>臣</sub>等與之公同商酌必須委員前往川藏交界查明妥斷以弭邊衅當咨明駐藏大臣嚴飭該番官迅速撤兵聽候查辦一面派委候補通判秦雲龍迅速出關相機妥辦秦雲龍甫經出關番兵旋即退去隨派角洛噶達兩汛弁持諭前往開導乃該番官抗不遵調出言不遜秦雲龍當即折回遂以該番官對堆奪吉僧官吏喜吐布

八

丹橫惡異常叛跡已露非語言所能開導等情稟覆並稟達駐藏大臣查核<sub>臣</sub>等查核秦雲龍所稟詞涉張皇又以打箭鑪文武於此案情形并不據實隨時稟報乃延宕經年毫無頭緒當經一併撤換另派副將陳均山同知郭鳳鳴前往接署飭令會同確查詳細稟覆茲據查明此案實由爭佔那珍三村即瓦述三村而起緣瓦述三村本係革布什咱土司遊牧之地並無村落自道光年間瞻對工布朗結叛亂革布什咱因瞻對番官彭饒巴強橫一切聽其指使初以瓦述三村夷民助其守寨旋即據爲己有而三村夷民不服情願投歸明正旋

奏稿

卷上

四

以瞻對恃強追索明正遂爲每年折納糧賦銀四五十兩旋加至七八十兩於是瓦述三村遂歸明正所轄上年春間該番官對堆奪吉等忽又索取人民不肯收銀該村民不肯歸附噴有怨言該番官即先後分派堪布洽桑巴頭目如本率領多人分往瓦述三村地面需索夫馬口糧任意搶擄該村民畏其兇惡逃入明正別境藏匿該番官派兵追尋繕寫傳牌分赴明正所屬之少吾石角窩喇嘛寺等處焚殺搶掠大肆蹂躪明正亦即調兵抵禦互有殺傷比以瓦述頭目阿家奪洛鎗斃小番官一名該番官復挾忿添兵大肆滋擾並霸佔明正

角耳夾壩石息娘三百戶不還至此大瞻對退兵因傳  
聞明正添兵救援並聞駐藏幫辦大臣訥欽不日過境  
遂陸續退去迨委員秦雲龍派委汛弁前往開導行至  
距瞻對官寨里許橋邊爲番兵持械阻擋不令前進該  
汛弁見難以開導卽行折回現時明正瞻對暫未滋事  
等情稟覆前來臣等覆查瞻對明正現在雖已罷兵惟  
前此兵端之啟實由爭佔瓦述三村現據查明瓦述三  
村旣非明正所應有而明正所轄之息娘三百戶瞻對  
又霸佔不還若不由川藏會派委員爲之斷結恐尋衅  
報復後患仍無已時至瞻對改隸西藏之後曾經川藏

奏稿

卷上

五

派員勘明劃分川藏界限

奏明有案該番官自應各安本分管轄所屬部落乃年來  
屢次越界滋事此次與明正構兵經查辦委員派委汛  
弁持諭往調輒敢抗違不遵實屬強橫恣肆惟聞駐藏  
幫辦大臣過境遂卽退兵似尚有畏懼之心未可遽謂  
爲背叛惟商上袒護番官以致該番官對堆奪吉等敢  
於越界滋擾似非卽予撤參不足以示懲戒而杜後衅  
臣等現仍飭令打箭鑪文武嚴飭明正土司自守疆土  
不准尋衅構兵並咨駐藏大臣速將駐瞻番官對堆奪  
吉僧官夷喜吐布丹迅速一併撤參嚴飭該商上另派

委員接管聽候查辦一面另由川藏各派明幹之員調  
集兩造秉公查辦以杜爭端如該番官再敢抗不遵調  
越界稱兵則是情同叛逆臣等惟有選派將領帶兵前  
往相機辦理屆時再當陳奏決不敢輕啟兵端亦不敢  
優忽貽誤所有瞻番越界滋事現擬查辦緣由是否有  
當謹合詞恭摺具陳伏乞

皇上聖鑒訓示謹

奏

奏稿

卷上

六



密陳西藏情形可慮疏

奏為訪查西藏情形甚屬可慮謹據實密陳仰祈

聖鑒事竊查西藏地方與四川唇齒相依關係甚重自英人窺伺藏地早存吞併蠶食之心勢已岌岌可危而藏番素嫉英人年來定議勘界藏番以我為左袒英人心懷不忿俄人從而生心暗勾藏番許以有事救護藏番遂恃俄為外援又以前駐藏大臣升泰所請賞番之款多未發給益懷怨望自駐藏大臣奎煥到後因其行止不檢商上更為藐視臣到任之初即深以藏事為慮時值幫辦大臣訥欽正擬由川赴藏當經會商

奏稿

卷上

七

奏調棍噶札拉參呼圖克圖赴藏冀以通達番情挽回補救已蒙

俞允乃昨接陝甘督臣楊昌濬來咨該呼圖克圖正擬起程

旋即病沒臣接聞之下悼惜實深焦思無計欲再覓一能通番情之人可以開導曉譬者竟不可得而隨時訪詢由藏回川各員弁僉謂該大臣奎煥持已不端久為藏番所輕竟至威令不行該大臣在藏詳細情形業經前督臣劉秉璋遵

旨確查覆奏有案已在

聖明洞鑒之中臣昨據幫辦大臣訥欽函稱目下勘界之期

一〇

日迫英人催促愈急而藏番堅執不從不惟不派番官會勘并不辦夫馬而且禁止番民不准私行應僱經奎煥再三開導該商上置若罔聞訥欽甫經到藏人地生疏又屬幫辦殊覺一籌莫展從前該商上係地穆呼圖克圖承充辦事向知大體近則達賴喇嘛下山管理藏事而又有三大寺為之蠱惑且恃俄國為外援公然恣肆聞前幫辦大臣延茂在藏一切持正秉公番族外洋尚稍有忌憚今既不能前往勘界英人必將饒舌設又生波折為害匪淺應如何設法補救或另

簡明幹大員赴藏妥辦藉以商緩英人勘界期限之處出自

奏稿

卷上

八

聖裁臣竊見西藏隱憂關係甚大既有所聞不敢安於緘默是否有當謹繕摺密陳伏乞

皇上聖鑒訓示謹

奏